



皆山堂詩



東海謠十首

禽言八首

咏物六首

古意四首

買桑曲一首



鴛鴦吟一首

看花曲四首

定情曲十二首

決絕詞九首

小蘋曲十二首

江南踏花曲八首

吳女詞六首

采桑竹枝詞六首

燈節竹枝詞九首

維揚懷古七首



古梅溪呂建侯鐫



東海謠



思樂我君子乃在東海涯海水蕩上衆流
合君子愷弟民所私

右擊鼓左吹竽精誠所感神人乎蛟龍蟻
伏海水枯微斯人吾其魚乎

黃鵠直摩蒼天神龍肯汚泥滓天網設張

弘取士大道如絃臣心如水

時屆三伏龍見不雨火雲炳郁東先生處

禱祝至誠格天：乃雨：水雨粟

惜我民苦飢十：五：父兮母兮勤字撫

耕九餘三分恤我苦曷歸乎來歸樂土

誰家輕薄兒挾彈府中馳報仇雪耻目決

眦微君之來曷弭之敦禮讓太平時

君子秉教：化四馳鄉有老塾有師子言


孝父言慈爾民各：當知之

隙土樹藝桑麻倉箱滿盈稷黍擊銅盤伐

土鼓躋公堂獻清醑報君之賜歌且舞

冬十一月土乾岸圻後車其休民事隙河

工告成輸漕利涉亦灌田疇便舟楫
吁都哉稗草化為良苗寶劍鑄為農器君
子安絃小人樂利父兮母兮誰之治是用
作歌風有位



禽言

泥滑。泥滑。行人往來不得歇。前車覆
後車沒。寧不知潢潦滂沱。污我實多。又可
奈何。



得過且過。素可裁衣。穀可播。君胡行數復
愁坐。記得當時飢不得餐。寒不得卧。

姑惡姑惡髮總披肩未出閣日向公姥前
嫌我生命薄著意調羹不和辛苦終朝
枉織作小姑小姑安坐請自思只看姑為
新婦時

不如歸去蜀山：高沒烟樹身東瘴氣多
隴西霜夜度塞北起黃塵江南積陰霧四

顧少安巢屏營朝復暮曷歸乎來憐新不
如莫棄故

瘦兒瘦兒生命一何苦悲身無完襦腹中
飢父母顧之泪下纂：如斷縻逝將適彼
樂土兮四海安之強欲啣汝兮不能奮飛
嗟：瘦兒將何依

摘芭看火，勢炎，欲逼我，欲高飛高
飛不可下視，吳宮燕，從風任婀娜，翠樓畫
閣深，瑣

三阿姑梳頭未，阿姑緘怨，復含思，手挽雲
鬟濕，紅泪斜，整金釵，美墜怪底粉蝶雙
雙翅，落花寂，室滿地，一片春心媚，春戲

播穀播穀，墓雨沉，徧村屋，急賣刀，買黃
犢，民生在勤力，勤田未及早熟



咏物傲江南弄體



東飛蛺蝶西飛燕。芍藥初開。隱羞面。含嬌
含笑人。不見。人不見。風徘徊。待佳人。殊未
來。

右芍藥花

木蘭作船。丹桂檝。芙蓉灼。耀朝日。誰家

咏物一

女見映花立。映花立。揚綺羅。望南浦。傷如
何。

右芙蓉花

花開嫋。何鮮妍。穠姿貴彩相纏綿。萬態
低昂最可憐。最可憐。情何極。臨春風。畏春
日。

右虞美人花

桃花三月開。南陌芬芳繚繞耀。初月春光
冉。莫輕擲。莫輕擲。人如花。因風散。落誰
家。

右桃花

一枝婀娜臨春風。弱態妍姿帶露濃。摘花

莫向深宮中。深宮中。寵非一。誰並侍。趙合德。

右十姊妹花

長信宮中秋色深。珠簾空捲月沉沉。猶憐芳草媚君心。媚君心。獨不見。微風動。搖織扇。

右漢宮秋



古意



山頭特棲鸞。山北雙飛鳳。賤妾感君懷。離
居而同夢。海水瀉井中。那使波瀾動。

擲妾青銅鏡。解妾白玉璫。掩妾紫絲帳。置
妾素羅裳。芙蓉抱霜老。不敢怨春陽。
日出綺窓開。含情空塞嘿。磐石似君心。落

古意一



花比儂色。花落隨風飄。石堅終不易。
整妾鳳凰釵。携妾珊瑚架。理妾綉袂裙。繫
妾紅羅帕。誤此華色時。悔不及早嫁。



買桑曲



陌上日初長。初一行采桑。小姑奉皓腕。少
婦攬羅裳。解一誰道三春雨。桑殘葉亦稀。提
籠空采一。歎息為蠶飢。解二喚即買桑去。及
早覓金錢。解儂腰下玦。脫膿耳後環。解三夫
婿買桑去。吏人來入門。官租相促迫。上坐

買桑曲一

索晨殮。解四長跪謝官吏。賤妾致一辭。待儂

箔上蠶。成儂軸上絲。解五夫婿買桑至。桑葉

間桑枝。幸得飼春蚕。晝夜無休時。解六蠶子

已成蠶。繰絲頭緒多。千盤復萬轉。辛苦當

奈何。解七鬻儂箔上蠶。賣儂軸上絲。將來完

官稅。官吏故嫌遲。解八



鴛鴦吟



高樓入青天。明月流餘輝。盈三誰氏女。揮

絃清且悲。

解一

顧彼樓上女。冰絃橫素襟。撫

襟聊獨寫。

彈出鴛鴦吟。

解二

婉彼鴛與鴦。雙

雙戲清溪。朝唼水中藻。暮啄水中泥。

解三

涼

飈中夜起。

一步一徘徊。雌守舊時巢。雄飛

無定期。解四飛。將何適。一往不復歸。空巢


獨自守。毛羽日摧頹。解五願隨東北風。舉翼

無差池。願隨明月影。交頸生容姿。解六昔為

同濟水。今為陌路塵。水流有時合。塵落會

無因。解七吾欲竟此曲。此曲不易長。撫絃三

歎息。歎息斲人腸。解八





看花曲



春雨迷離芳草遍
樹上黃鶯啼滿院
誰家女兒見十五
餘臨花佇立照里
閻棠梨樹上飄如
雪蕙艷流芳忍攀
折玉手携來花色
姝歎息花開人不
如含情一片東風
去搖曳春光空擲
度

桃花二月開芳甸東風搖蕩春將半公子
雕鞍白鼻騮佳人拾翠六萌車盈一踏遍
江城路花畔尋春一欲暮為君緘怨復嬌
歌吐情宛轉風微和空留顏色如花艷可
惜盛衰君不見

遲一春日麗江城紫燕初飛鶯乍鳴婉轉

啼來春欲曙杏花拂戶開無數穠姿貴彩
相纏綿如怨如嬌最可憐臨風攀折空相
望美人渺一層霄上雲路幽遐莫致之漫
留天艷誰與持

銀河灑一月沉一天半佳人橫素琴一彈
再鼓聲繞屋紛一散作出蘭曲幽蘭滿徑

揚清芬折得花枝空復春，風出谷自珍
惜丹上馨香莫輕擲幸君采掇留餘芳同
盛同衰詎可忘



定情曲



女蘿本無枝嫁與南山松
秋風齊發花一黃
將一紅

解歡紅豈寇辨，結同心搗入醪醪酒情
剛杯底深

寶鏡光團團啟勤解雙照眉蹙
懷便愁顏

開儂便笑

願似合歡花夜來并一處
花落抱芳根辨
辨相糾附

安得太華蓮突與清溪接
儂為紅蓮花郎

作紅蓮葉

采蓮花含蕊剖蓮子滿房子
結儂心喜花

開儂體香

即騎五花馬妾贈珊瑚鞭
好携郎玉手披
拂春風前

儂坐七香車歡遺錦綉繆
穩襯儂身邊合
形共棲宿

海棠窻北草茱麗嶺南花
為儂頻采摘雙

妥鬢邊斜

蜘蛛解纏綿故向花間度浮絲掛團、那
惜蒙烟霧

終日走雙陸雕盤四角張手提頻起伏祗
恐不成雙

生為蛋、獸舉步必相親死為蛤與蚿終

古併一身



决絕詞



天桃帶春露。艷色壞即心。石楠花易老。寒
歲守孤林。

幽蘭與蕙花。本是一種草。即愛蕙花多。幽
蘭空自老。

即居南山南。妾居北山北。山北啼鷓鴣。山



南睡雞瀨。

蘼蕪山上花。蘋藻水中草。一高與一低。從風兩顛倒。

妾心金井明。那使波瀾捲。從今四散飛。不復量深淺。

與郎永離異。苦負風昔恩。在上為瓜蒂。在

下為藥根。

寧為陌上塵。莫化山頭石。片石猶有心。望夫朝與夕。

兩。水中魚。微波紛頽杳。魚飛上青天。乃得與郎合。

生為菖蒲花。相見杳無期。死作殭蠶體。勿

復長懸絲。



小蘋曲



往時桃葉渡桃葉並桃根，
深飛不去花落竟無言。

今時小蘋曲蘋葉間蘋花
亦有蒂蘋葉亦有家。

蘋葉家何所遙汀淺渚間
東風日飄泊多。

小蘋曲一

恐傷紅顏

蘋花一帶黃
盡舫蕩中央
棹入迎波處
花淡不見柳

采蘋，葉小那比蓮
葉大日暮不盈筐
愁啼綠烟破

湖南蘋葉早
湖北蘋葉遲
葉東葉西翠葉

西睡鸕鷀

水漲蘋葉淡
水落蘋葉淺
深自忖量寸

心轆轤轉

蘋葉小於錢
浮來箇箇圓
夜深寒露落
狼藉水雲邊

好風蘋上來
吹作團團鏡
不解照他人
照

儂掠花鬢

汀洲滿綠蘋雨過蘋葉新恐驚葉上鳥濺

水濕羅巾

妾牽青蘋帶佇立荷花陰荷花解郎語蘋

帶結郎心

悠々春復秋孤芳抱霜老生憎柳絮狂從

風任顛倒



江南踏花曲

魏

二月望江南。相邀踏花去。花落復花開。年華已如故。

蘭橈下北渚。遊女泛中央。灼灼如花艷。室驚遊冶郎。

春水桃花盡。花飛繞玉津。盈三看不見。先

江南踏花曲一

祖

照浣紗人

楊柳白門前。垂條復垂葉。春風幾飄颺。坐
令儂腸絕。

家住石城西。儂情却顛倒。所期竟不來。望
斷陽芳草。

可憐梅作花。開復含實。春風空復情。却

使儂歎息。

裊裊風乍寒。沉沈月初起。宛在水中央。江
南數千里。

春日芳菲早。江南又一春。風花落去愁
殺看花人。



吳女詞

病如

吳女顏勝花。臨風倚高閣。含笑復含愁。輕
輕捲羅幙。

綽約朱顏美。娉婷玉體輕。獨立弄秋水。微
聞歎息聲。

針穿冰蠶絲。手裁紅羅被。綉出紫鴛鴦。臨

風對上飛。

顏色可憐姝。惆悵當三五。鳴箏歌再三。含
情獨不語。

南洲采菱女。北岸踏花人。打起鷓鴣鳥。雙

雙散白蘋。

搖蕩香湮水。嬌歌起畫船。盈上看不見。疑

在月明邊。



采桑竹枝詞



蠶月家，事浴蠶。相傳風俗舊江南。姑，
嫂，蠶房裡。縷切條桑性自諳。

東家乍開販葉船。西家先交定葉錢。趁此
清明好天氣。始窩初飼又頭眠。

城南城北綠桑陰。欲賣不賣費沉吟。今朝

采桑竹枝詞一



桑葉棄如土。明朝桑葉勝千金。
手拔金釵去。賽神蠶花贏得十分新。
二蠶恰比頭蠶好。忙殺提籠采葉人。
綠桑梯上采桑枝。料得官清開外遲。
莫待春蚕上山罷。拚教二月賣新絲。
愁風愁雨總艱辛。綠得絲成進獻頻。
團鳳

團龍新樣式。昭陽殿裡賜何人。




燈節竹枝詞



去年臘底無殘雪。却是春來雪滿城。十字
街頭三义路。四條青竹架燈棚。

鑼鼓沸天火炬燒。攔家結伴打元宵。打得
春城雨夾雪。今年五穀倍豐饒。

銅簪挽髻當鑪婦。笋箸穿錢賭酒郎。燈闌



酒散不回去。夜、只作野鴛鴦。

白紙糊成筆淡抽。金戈鐵甲開虹橋。即愛
懸空好走馬。妾愁燭短閣中銷。

黑蹄白瓜綠毛羽。花街行春舞獅子。瞥看
碎却珊瑚鞭。怪底先入侯門裏。

蝴蝶飛上百花枝。雌雄一雙花間戲。大姑

愁是小姑愁。當街笑劇不知避。

海市初腥蝦入籠。厨烟放煖韭抽芽。桂花
栢葉新開釀。霜橘風菱好喚茶。

一日春雪十日晴。農人占曆怕秋成。高門
公子方行樂。馬上笙歌踏雪迎。

金尊綺席燦朝霞。擊鼓鳴鐘七貴家。獨有

野梅偏耐冷。春來先發兩三花。



維揚懷古




廣陵城下接邗溝。景物依然舊日愁。何處
簫聲夜半發。臨風吹出古揚州。
木落霜寒乳夜烏。三吳霸業豈全無。可憐
今古蕪城月。偏照長江秋水孤。
迷樓想像大河堤。碧草寒花極望迷。夜半

竹西秋月上。猶疑歌吹入雲低。
搖落秋林不可聞。隋宮一半日斜曛。傷心
舊事真無限。惟有雷塘片水雲。

記得陽春二月天。隋堤楊柳碧于烟。東風
處。花飄落。吹入紅樓玉笛邊。
玉砌雕欄玳瑁梁。誰家少婦倚河房。珠簾

半捲梳頭罷。還似隋宮舊日粧。
繁華千載說南朝。遠客何來恨未消。多少
興亡無處問。愁心一片廣陵潮。





朝同
藏書

張

元

